

摘藻堂四庫全書薈要

經部

欽定四庫全書薈要

經部

周禮訂義卷六十九



詳校官編修臣程嘉謨

欽定四庫全書薈要卷一千九百六十五

經部

周禮訂義卷六十九

宋 王與之 撰

行夫下士三十有二人府四人史八人胥八人徒八十


鄭康成曰行夫主國使之禮

掌邦國傳

張戀反

遽之小事媿惡而無禮者凡其使也

去聲

必以旌節雖道有難去聲而不時必達

鄭康成曰傳遽若今時乘傳騎驛而使者也○王昭

禹曰媿惡謂吉凶之事蓋事小而禮籍有所不載故

也若夫載於禮籍之大事則有小大行人存焉○賈

氏曰無擯介而單行謂之無禮

鄭康成曰無禮使行夫主使之

鄭鍔曰既有大小行人又有行夫者蓋大小行人備
禮儀而使使之大者也行夫不用擯介疾傳遽而達
其小事使之小者也大事有媿惡者大小行人以擯
介而使若夫小事之媿惡者謂福慶禍災之小者也
行人乘傳而往欲急遽以視其事惟其不用相禮之

人故必執旌節為信

王昭禹曰道路用旌節也

使之大者有使

有副不患其不達若行夫則無介無介則慮其有患難而命不達故言雖道路有難而不時必達謂雖不能及所約之時要之必期於達也

鄭康成曰道有難謂遭疾病他故

不以時至必達王命不可廢也

居於其國則掌行人之勞辱事焉使則介之

王昭禹曰居於其國非以王命出行之時○劉迎曰司隸掌後國中之辱事與役其煩辱之事今行夫以

下士三十二人為之則掌行人之勞辱之事俾凡有

使則為之介紹而或先或後亦其職也

○王昭禹曰凡大小行人

有煩勞汙辱之事皆行夫掌之

先儒改焉為夷謂四方夷之使則介

之經言凡其使也必以旌節初無使四夷之文況經

謂傳王之言而說諭焉書其日月焉皆以焉為文不

知先儒何苦改經文而好異說如此

環人中士四人史四人胥四人徒四十人

鄭康成曰環猶圍也主圍賓客任器為之守衛○王

昭禹曰夏官有環人秋官復有環人者蓋夏官環人掌環四方之故取周巡往來若環之無端也秋官環人掌環賓客之任器取周圍保衛若環之無隙也掌送逆邦國之通賓客以路節達諸四方

黃氏曰古者諸侯分方率屬書肆覲東后詩式是南邦奄受北國皆是也苟非同統率為相維相比之勢與朝覲道途經由則不相往來旄丘曰匪車不東叔兮伯兮靡所與同崧高曰徹申伯土疆以峙其粃式

遄其行

楚屈完謂齊威公曰君處北海寡人處南海不虞君之涉吾地也何故陳轅濤塗誤師亦

為其本非東土所率屬

至若有好故遣使自東徂西自南徂北

皆當過王都天子使人通之故謂之通賓客

○王昭禹曰通

與易所謂往來不窮謂之通同意

鄭康成曰路節旌節也

○鄭鏐曰謂之

旌節則指其物也謂之路節則指其行于道也其實一耳

○王昭禹曰無節者有

幾則不達故以路節達諸四方

李嘉會曰旌節用於道路人信旌節則環人可以通

賓客可以達四方可以授館聚橧可以門關無幾可

以遠及四疆

舍則授館令聚橐

賈氏曰館謂道上廬宿市所館舍

王昭禹曰國野之道五十里有候

館賓客至則環人授之也

鄭鍔曰行人有致館之禮蓋賓客至

國則授以館舍也此則送逆所至賓客或舍止則授

之以館非行人致館之比○鄭康成曰令令野廬氏

王昭禹曰野廬氏若有賓客則令守涂地之人聚橐則環人乃令野廬氏

○鄭鍔曰聚

人以擊橐為之宿衛以防非常

有任器則令環之

鄭鍔曰賓客有所用之器不特聚櫟以防之令循環守視慮其或失也司隸言為百官積任器與此任器同皆謂所須之物所賴以為用不可一日無也

凡門關無幾音譏送逆及疆

鄭司農曰門關不得苛留環人也○王昭禹曰疆謂畿四方之界賓客始來而逆之終去而送之皆至王畿之界所也○鄭鍔曰他官送逆賓客或近郊或遠

郊有不及疆者環人既以循環守衛為職此所以及疆焉

象胥每翟上士一人中士二人下士八人徒二十人

鄭康成曰通夷狄之言者曰象胥其有才知者也此類之本名東方曰寄南方曰象西方曰狄韞北方曰

譯今總名曰象者周之德先致南方也

○鄭鍔曰周自西土創業

所先歸者南方之人觀江漢汝墳之詩皆南方之域其後越裳重譯而至亦南方之蠻因其先通知其言語故因以名官

楊謹仲曰鄭氏謂周德先至南方未必然也特周之時南方最遠周始有重譯而獻者蓋周都豐鎬去西北則近去南方則遠堯都平陽故虞書言遠夷則曰蠻夷猾夏蠻夷率服武王言懷遠則曰通道于九夷八蠻若後世多言戎狄大抵去王都遠則言語嗜慾尤不同也○王昭禹曰掌四夷之言此獨以象言者舉一以互見也舉一而必言象以周之化自西而南以言其所致者遠也

掌蠻夷閩貉戎狄之國使掌傳王之言而諭說焉以和親之

王氏曰職方氏言四夷八蠻七閩九貉五戎六狄皆其圖地可辨數要者也象胥言其國使而不言其國

數則所掌非特職方可辨數要之國○王昭禹曰天子有道守在四夷殊方異俗莫不輸誠歸款象胥之譯其言又曷可少哉故掌傳王之言而諭說焉諭則使之俞其言說則以言明其理○鄭鍔曰傳王之言而諭說焉使知王之志意也以王之恩意曉諭其心乃所以和之使勿乖親之使勿疎外也若以時入賓則協其禮與其辭言傳之

鄭鍔曰以時入賓謂四夷之君以時親來也○劉執中曰協其禮謂蕃國之君世一見象胥掌教之以中

國之儀用協其禮也與其辭言者雖不能變其音聲而可諭之以事上之意然後以其辭而言之於上也

鄭鍔曰傳以辭言其使達中國之語可以相通也王昭禹曰接之以辭言而象胥則協其辭言傳而通之王制曰達其志通其慾與此所謂協其辭言傳之同意

黃氏曰言以其辭

言於上傳以上之言傳報之也

凡其出入送逆之禮節幣帛辭令而賓

音息亮
擯相反之

鄭康成曰從來至去皆為擯而詔侑其禮儀○王昭禹曰禮節所以相接幣帛以致享辭令所以相與

象胥掌擯而相之

○賈氏曰幣帛謂王有賜與之者

凡國之大喪詔相國客之禮儀而正其位

鄭鍔曰國客謂四夷遣其臣來也中國之客自有大小行人掌正其位○劉執中曰若其入賓而遇國之大喪則詔相其禮儀而正其位若遇軍旅會同則受其幣而賓禮之皆謂蕃國也

凡軍旅會同受國客幣而賓禮之

王昭禹曰軍旅以征伐時會以發禁殷同以施政四

海之諸侯或遣臣以聘問則象胥擯而禮之○鄭鍔
曰受其幣而擯相之所以待其來會之勤

凡作事王之大事諸侯次事卿次事大夫次事上士下
事庶子

王昭禹曰凡作事謂作四夷之事王之大事諸侯者
國之大事在祀與戎則作大事於四夷者謂有戎事
於四夷也諸侯以敵王所愾為事在諸侯然則彤弓
錫有功諸侯則蠻夷衰而諸夏盛故六月之序曰彤

弓廢則諸夏衰矣次事則非戎事謂威讓之令文誥
之辭或施於四夷者則量其事之輕重或以卿大夫
或以上士也若夫下事則事之尤小者故以庶子而
已言下事庶子則包中士矣○賈氏曰不言中士下
士者總以王之三等之
士皆曰上士與王制所云元士同也云
庶子者謂若宮伯所云士庶子之等

鄭鏐曰事有小大爵有尊卑權有輕重因事用人各
得其稱理之常也必於象胥言者蓋處夷狄之道尤
不可不謹也

黃氏曰此疑簡編有錯繆以其名推之國客必非象胥所掌而作事尤非其所得預疑為小行人職掌作事後鄭說是擇使也諸侯恐當為諸公春秋天王使宰周公來聘是也下事庶子武氏子仍叔之子

掌客上士二人下士四人府一人史二人胥二人徒二十人

鄭鍔曰賓客之名分而言之則尊者謂之賓卑者謂之客總而言之皆可謂之客掌客於賓客之禮無所

不掌而名官獨曰客蓋總而言之也○黃氏曰掌客在象胥之下賓客內事畢始著外事名之曰客自外言之大行人屬象胥諭言語協辭命在巡守前

薛平仲曰五官之設一以掌為者皆相承乎前而遞守於後者也蓋掌客掌其賓客之等數即行人司儀之為等數也掌訝掌其等籍以待賓客即小行人之為禮籍也掌交掌其交好即前乎數官之為交好也誠使禮儀之未明則掌客何以嚴等級之殊等數之

未定掌訝何以待賓客之至賓客之未至則掌交又
何以致交好之結哉然交好之往來而姦慝之伏於
難測者不可以不幾於是乎有掌察之臣交好之既
至而幣帛之將其厚意者不可以不節於是乎有掌
貨賄之官是皆相承而遞守之以成賓客之禮者也
掌四方賓客之牢禮餼獻飲食之等數與其政治

黃氏曰所掌牢禮餼獻等數皆天子之禮而以王巡
守所至之國為主天子禮待諸侯故以四方言之○

易氏曰牢禮即凡用牢之禮餼謂餼九牢之類獻謂禽獻之類飲食謂饗燕膳食之類

李嘉會曰政治注謂國新殺禮之類若此之屬非一事也可以類推○鄭鍔曰牢禮餼獻飲食皆主國所以待賓客之禮必有等數焉等如司儀所謂以二等從其爵而上下之之等不為之等無以稱其爵之尊卑數即下文所陳之數不為之數無以供其物之多寡既掌其等數矣又掌其政治者等數雖不可易然

而有凶豐之年有禍災之故有在野在外之時雖從其等數又不可無政治以搏節之也

王氏詳說曰大行人言五等諸侯朝聘踈數而及其相聘相朝小行人言五等諸侯而及其六幣司儀言將合諸侯而及其諸公與諸公之臣相為賓客言王合諸侯而饗禮而及諸侯之禮所以見成周之時禮自天子出也且以掌客諸侯之牢禮餼獻飲食之等數言之來有郊勞去有致賄此終始成禮也言於司儀而不言於掌

客積飧饗餼言於司儀而又言於掌客蓋掌客事專於牢禮餼獻飲食之等數此所以言積飧饗餼之禮為詳且悉

王合諸侯而饗禮則具十有二牢庶具百物備諸侯長十有再獻

鄭鍔曰饗禮之具十二牢者非常之禮也昔吳人徵

十二牢於魯子服景伯謂周之王也制禮上物不過

十二以為天之大數哀七年故王者法而用之○李嘉會曰上

公以九為節則十二
者是王禮之數也

今饗諸侯則具十二牢庶具百

物皆備諸侯長亦十有二獻者蓋論禮之常則位雖
極上公亦止於九獻而已論君之惠則不然彼其當
朝之歲朝享於廟固當從其禮之常若夫非當朝之
歲王者特以國家有事而大合之方伯連率皆在安
可以無優異乎故取天子所當用之禮用以待夫為
諸侯之長者所以表其恩意之厚出於非常也然言
諸侯長十有再獻則其他不用是禮矣○黃氏曰十

二牢庶具百物備天子之禮也而以享諸侯長非謂諸侯長當用此也有司以供天子天子推而享之易大亨以養聖賢此意也諸侯咸在其饗禮皆有等獨饗其長以天子之禮欲使諸侯知長幼之義且為天子所尊也康王之誥曰太保率西方諸侯入應門左畢公率東方諸侯入應門右六年五服一朝十二年時巡諸侯各朝于方嶽皆率之以長時會在國中掌客諸侯長十有再獻兩見其義下別出巡守殷國則

此為時會亦使掌客掌之其事同也

○易氏曰牢具十有二而莫適

所主獻至十有二而少異于衆其禮蓋有品節之矣

王巡守殷國則國君膳以牲犢令百官百姓皆具從

去聲

者三公眡上公之禮卿眡侯伯之禮大夫眡子男之禮士眡諸侯之卿禮庶子壹眡其大夫之禮

賈氏曰王巡守則殷同殷同則殷國也王巡守至於四嶽之下當方諸侯或所在經過或至方嶽之下若殷國或在王城出畿外在諸侯之國所在之處皆設

禮待王故巡守殷國並言也

○黃氏曰大行人十有二歲王巡守殷國巡守

至方嶽大明黜陟也掌客王巡守殷國通兩義有巡守而不至方嶽者直曰巡守而已至方嶽則為殷國所至國君膳天子之禮皆當如是 ○鄭康成曰國君者王所過之君

也犢繭栗之犢也以膳天子貴誠也牲孕天子不食

也祭帝不用也

○賈氏曰此郊特牲文言此見天子牲與天同貴誠慤故用繭栗也 ○

王昭禹曰天子施禮於諸侯協十有二牢以多為貴也諸侯報禮於天子膳以牲犢以少為貴也以多為貴者外心也以少為貴者內心也 ○鄭康成曰令者

掌客令主國也○賈氏曰百官即三公以下○鄭康成曰百姓皆具言無有不具備○鄭鏐曰下至百官之衆所用之牲亦不一非特具以養百官也凡百官而不從王之行者皆當有以給之公卿大夫子男士庶子爵命雖不同以出封加等則其位同從王之行猶出封也以八命之公視九命之公六命之卿視七命之侯伯四命之大夫視五命之子男三命之士視侯伯之卿亦三命也不加等者蓋有中士下士一視

三命之卿亦為加矣謂之諸侯之卿則公之孤亦在其中然則王之上士其視公之四命之孤歟若夫子男之卿再命此雖言諸侯之卿知不可指子男卿者以加一等之理攷之也庶子則專一視大夫之禮王之庶子可以比諸侯之大夫矣

凡諸侯之禮

黃氏曰司儀凡四方之賓客禮儀辭命餼牢賜獻以二等而掌客諸侯之禮三等與大行人同何也掌客

本堂王國之禮及王巡守其所至國為主禮待諸侯之來者而皆用王國之禮是則掌客具兩義總曰四方賓客之牢禮餼獻飲食之等數以四方為文則專為巡守殷國而見也疏家以為諸侯相朝主國待賓之禮又曰掌客不見天子待諸侯之禮而見諸侯自相待以外包內皆誤蓋不攷司儀二等與掌客設官之意也司儀專載諸侯相待之禮諸侯常時用之掌客專掌天子待諸侯之禮因王巡守殷國主國用之

是皆參攷也

○鄭鏐曰攷此下文有夫人致禮之事則知為諸侯待賓之禮無疑

○易

氏曰凡諸侯之禮即所掌牢禮餼獻飲食之等數也

上公五積皆眡飧牽

鄭鏐曰客始至則致小禮謂之飧飧必有牢或飪或腥致積則牽而往不殺也五積所用皆視飧時之物但牽往不殺為異言眡者謂其禮與致飧用物同也

○賈氏曰一積視一飧飧五牢則五積二十五牢也侯伯飧四牢四積則十六牢子男飧三牢三積則九牢也必牽之不殺者以其在道分置豫往故不殺客至自殺也

○鄭司農曰牽牲可

牽行者春秋傳曰餽牽竭矣

三問皆脩羣介行人宰史皆有牢

王昭禹曰於始至以問閒閭則有脩焉脩者脯之加

薑桂者也羣介行人宰史皆公所從行者尊其君以

及其臣故於方致問之始亦有牢也鄭氏謂臣用牢

而君用脩疑其非禮恐有脫誤蓋上公致積則有飧

牽問禮隨而至故加以脩而已

○王氏詳說曰禮有損而益者有益而損

者有豐大禮而殺小禮者有豐小禮而殺大禮者初未可以問禮用脩為非禮也

羣介行人

宰史方此有牢不為過也至於侯伯子男則不言者
以上公爵命為獨隆其禮為獨優故也

飧五牢食四十簋十豆四十鉶四十有二壺四十鼎簋
十有二牲三十有六皆陳

賈氏曰案聘禮賓大夫帥至館卿致館即云宰夫朝
服設飧是其客始至之禮言小禮者對饗餼為大禮
也○鄭鏐曰夕食曰飧謂其薄也三牲備為一牢五
牢者非皆熟也飪一牢其餘則腥也自飧五牢以至

牲三十有六皆陳者此致飧之禮也○鄭康成曰食

者庶羞美可食者也其設蓋陳于楹外東西不過四

列○賈氏曰十以○王昭禹曰上公食四十侯伯食

為列故四列

三十有二子男食二十有四東西共四列上公其列

之數則十侯伯列之數則八子男列之數則六○王氏詳

說曰食之數以八為降殺○鄭康成曰簠盛稻粱器也公十簠堂

上六西夾東夾各二也諸侯八簠堂上四西夾東夾

各二子男六簠堂上二西夾東夾各二○王氏詳說

曰其數以兩為降殺

鄭康成曰豆菹醢器也公四十豆堂上十六西夾東夾各十二禮器曰天子之豆二十有六諸公十有六諸侯十有二上大夫八下大夫六以聘禮言之則堂

上之數與此同

○王氏詳說曰天子之豆堂上二十有六則東西兩夾皆二十有二矣亦

以八為降殺

○賈氏曰鉶器名所以盛腳臠臠三等之羹

鄭康成曰公鉶四十二侯伯二十八子男十八非衰差也二十八書或為二十四亦非也其於衰公又當

三十於言又為無施禮之大數釶少於豆推其衰公

釶四十二宜為三十八蓋近之矣則公釶堂上十八

西夾東夾各十侯伯堂上十二西夾東夾各八子男

堂上十西夾東夾各四

○王氏詳說曰有釶鼎有釶羹所謂腳臄臄也亦所謂藿

苦薇也羹熟于鼎而載之于器凡飪一牢則正鼎九陪鼎三所謂陪鼎者即釶羹之鼎也既言鼎十有二

又言釶三十八則釶為釶羹之器矣此釶鼎釶器之所以異也

○鄭康成曰壺酒器

也其設於堂夾如豆之數

○鄭鏐曰壺以盛酒司尊彝云其饋獻用兩壺左傳

云樽以魯壺其數與豆同○王氏詳說曰壺亦以八為降殺

鼎十有二者飪一牢

正鼎九與陪鼎三皆設於西階前

○賈氏曰鼎為烹牲體之器也牢鼎

九謂牛羊豕魚腊膚與腸胃鮮魚鮮腊陪鼎三者腳臠臠也

簋黍稷器也十有二

堂上八西夾東夾各二○鄭鍔曰食與豆非相配之

物故分之簋與鼎為食之主且相配故合之

○王昭禹曰上

公鼎簋十有二侯伯子男亦皆十有二者鼎牲器也簋黍稷器也皆食之主也皆常食也未始有加損焉故其數皆止于十二○王氏詳說曰簋盛稻粱而降殺以兩至于簋之所用五等同之者黍稷賤者所食稻粱貴者所食貴以賤為本故爾此鼎簋之同乎十二也

○鄭康成曰牲當為腥

聲之誤也腥謂腥鼎也於侯伯云腥二十有七其故

腥字也

○王氏曰腥即牲之腥者或言牲或言腥互見也

諸侯禮盛腥鼎有

鮮魚鮮腊每牢皆九為列設於阼階前公腥鼎三十

六腥四牢也侯伯腥鼎二十七腥三牢也子男腥鼎

十八腥二牢也

○王氏詳說曰腥鮮魚鮮腊之鼎也其數以九為降殺所謂陪鼎者上既

言之矣正鼎九者牛羊豕魚腊腸胃倫膚與夫鮮魚鮮腊是也少牢則五鼎所謂牛羊豕鮮獸倫膚而腸

胃則又與牛羊豕同鼎矣公食大夫禮七鼎者所謂牛羊豕魚腊腸胃倫膚而無鮮魚鮮腊之二鼎矣但

五鼎則腸胃同鼎同俎七鼎則腸胃異鼎異俎飧五牢者則飪一牢而腥四牢飧四牢者則飪一牢而腥

三牢飧三牢者則飪一牢而腥二牢此五等之鼎皆十有二而腥之鼎降殺以九也牽牲無鉶鼎腥牲亦

無鉶鼎此飪腥之陳列也○鄭鍔曰已上所致飧之鼎所以不同其數

物皆陳列於客館也列有所致食陳於楹外簠與豆鉶壺簋皆陳於堂上及東西之夾鼎則陳於西階之前腥則陳於阼階之前凡此皆謂之門內之實亦有車米禾芻薪之類不列於此

饗餼九牢其死牢如飧之陳牽四牢米百有二十筭醢醢百有二十甕車皆陳

鄭康成曰饗餼既相見致大禮也

○賈氏曰案聘禮記云聘日致饗鄭

云急歸大禮是既相見致大禮也

○王氏詳說曰曰死牢曰牽牢曰

米曰醯醢曰車米曰車禾曰芻薪曰倍禾此饗餼之

禮○鄭鍔曰牛羊豕備為一牢凡用九牢從命數也

九牢之物有生致者有殺而往者死牢五如飧之五

牢也其陳亦如飧飪一牢在西餘腥者在東也生牢

四牽而往陳於門西焉共為九牢也

○王氏詳說曰上公九牢其五

為死牢四為牽牢侯伯七牢其四為死牢三為牽牢子男五牢其三為死牢二為牽牢或死或牽而皆曰饗餼者蓋饗之為義有二案聘禮云主國使卿歸饗餼五牢飪一牢腥二牢饗二牢則此饗為生矣故鄭

氏謂生曰餼案僖三十三年鄭皇武子曰惟是餼牽竭矣則此餼為腥矣故服氏以腥以餼是知致積致飧致膳等皆用牢而餼得為牢禮者豈非此乎此死牢牽牢之所以異也○易氏曰米則

載之於筥者半斛曰筥上公百有二十筥為米六十

斛侯伯百筥為米五十斛子男八十筥為米四十斛

其設在於庭中

○鄭康成曰公侯伯子男黍稷稻粱皆二行公稷六行侯伯稷四行子男

二行○鄭鍔曰有黍稷稻粱共百二十筥

○鄭鍔曰醯醢者醢菹醢醢可

食之物如王舉之數

○賈氏曰上公醯醢百二十甕與王舉百二十甕同故鄭志云

此公乃二王後如是王之上公與侯伯俱同百甕

○王氏詳說曰醯醢陰陽

之義醢穀陽也醢肉陰也其數以二十為降殺故上

公百二十甕而侯伯則百子男則八十矣然飡則實

於豆而饗則實於甕此飡之所以異於饗也○鄭鐸

曰皆陳列於客館其陳則牢有在阼階西者有在東

者米積陳於中庭十為列醢醢夾碑從陳亦十為列

醢以穀為之陽物也故在碑東醢以肉為之陰物也

故在碑西言車皆陳非也車衍字也凡此皆門內之

實所陳在門內者也

○王昭禹曰車皆陳以車盛甕焉而陳之也既陳則復用車矣

故侯伯子男言皆
陳而不言車也

車米眡生牢牢十車車秉有五簋車禾眡死牢牢十車

車三秬

音妬芻薪倍禾皆陳

鄭鍔曰車米者以車載米也眡生牢謂視牽一牢則
用十車以載米牽四牢則用四十車矣然一車之中
所容秉有五簋而已十斗為斛十六斗為簋十簋為
秉一秉十六斛也五簋八斛也秉有五簋二十四斛
也秉與冉子與之粟五秉之秉同車禾者以車載禾

也藁竇竝刈為禾禹貢所謂總秸之類也其數則祇

死牢死牢五一死牢則用十車五牢則五十車矣然

一車所載者三秬而已禾之秉謂禾可把者也四秉

曰筥筥一穊也十筥曰稯十稯曰秬三秬者三十稯

也○王昭禹曰芻薪倍禾則凡百車也

○鄭鍔曰有芻有薪其數

則視禾而倍之

○王氏詳說曰禾米薪芻公養之義也米所

以養賓而薪如其數禾所以養馬而芻如其數然米

有載於筥者有載於車者上公百二十筥則為米六

十斛此米之載於筭者也其設在於庭中其侯伯子

男皆以二十為降殺矣秉有五簋則為米二十四斛

矣此米之載於一車之數也其設在乎門外禾也薪

也芻也亦在其處

○鄭康成曰米在門東禾在門西芻薪雖取數于禾薪從米芻從禾

也其侯伯子男皆以十為降殺侯伯米三十車禾四

十車子男米二十車禾三十車至上公則米禾十車

為言者乃所以眡其死牢生牢之數也若夫聘禮則

侯伯之卿米禾皆二十車矣豈非殺大禮而豐小禮

其數與此不同乎然飧禮不言米禾薪芻者抑以積視飧牽是飧禮以米禾芻薪為義不必言可也

總論

王氏詳說曰食也簋也豆也鉶也壺也皆陳于堂上及兩夾也簋亦陳于堂上而與鼎並者並其數也非並陳也鼎也腥也陳于阼階之前死牢也牽牢也陳于門之西車米也車禾也薪芻也陳于門之外醯也醢也陳于碑之東西掌客言饗餼之皆陳者二宮米

與醯醢並者以其皆在門內也米禾之車與死牢之
牢並者以其皆在門外也則義甚明矣言飧之皆陳
者一而鼎也腥也同為簠簋豆鉶之列者蓋簠簋豆
鉶豈堂上所陳之器乎鼎也腥也豈堂上所陳之器
乎雖不分言皆陳學者可以意曉也至於飧之所陳
以筐米陳於楹外饔陳於楹內則與饗禮之陳筮於
庭陳饔於碑異矣夫人助賓籩豆陳於戶東壺陳於
東序則與君之陳籩豆於堂陳壺於楹外異矣

乘去聲禽日九十雙殷膳大牢以及歸三饗三食三燕若弗酌則以幣致之

鄭鏐曰飡饗之外每日所供有乘禽所謂禮賜是也乘謂羣行相四偶者如雉鴈之屬傳所謂乘鴈集不為多是爾九十雙者從其命數以雙行也○鄭康成

雙為數

殷中也賓未去之間又更致膳示勤意無倦也

物用則大牢焉○王氏詳說曰上公大牢侯伯大牢子男闕而不言此中膳之禮也案聘禮云既致饗旬

而稍者謂此禮也蓋賓客之道以十日為正行禮一旬之後或遭凶變或主人留之即有致稍歸禽之禮周禮漿人所謂共賓客之稍禮是也但上公言於及歸侯伯不言及者間或講之耳侯伯大牢而子男不言者止於乘禽耳○王昭禹曰侯伯言膳大牢子男不言蒙上文可知然獨于上公言

以及歸則侯伯子男及歸可知也

○鄭鏐曰自始至以及歸凡三饗

之三食之三燕之禮成於三也

王昭禹曰上公三饗三食三燕諸侯三饗再食再燕

子男一饗一食一燕饗以酒為主食以食為主燕以
思為主惟以思為主故異於饗食之禮示以慈惠以
毛為尚其樂無筭也取其歡而已其爵無筭也取其
醉而已取脯以降奏陔而去則王之所以致愛於諸
侯於是為至矣

鄭康成曰若弗酌謂君有故不親饗食燕也○鄭鏐
曰饗必有酬幣食必有侑幣不親饗則遣大夫以酬
幣致其饗禮不親食則亦遣大夫以侑幣致其食禮

所以將厚意焉。謂有故不及躬臨而非厭慢賓之意。或謂不親燕則不用幣致。蓋饗食在廟其禮至嚴而燕在寢其禮褻然。攷鹿鳴之燕羣臣猶有幣以將意。況燕賓乎。

凡介行人宰史皆有飧饗餼以其爵等為之。牢禮之陳數唯上介有禽獻。

鄭鏐曰凡介者賓之衆臣從行者也。行人者掌賓禮之官也。宰者賓之膳夫也。史者賓之掌書史也。始至

有飧且後有饗餼尊其君以及其臣也然人衆參差難等用其爵之高下為之陳數而已此則禮之正者

○鄭康成曰爵卿也則飧二牢饗餼五牢大夫也則飧大牢饗餼三牢士也則飧少牢饗餼大牢此降小禮豐大禮也○賈氏曰小禮謂饗餼卿五牢子男卿與君等是豐大禮也

也則唯上介始有焉上介相禮其爵亦尊宜有禮賜以示優厚也聘禮乘禽於客日如其饗餼之數士中日則二雙是也用禽以獻謂之禽獻也

王氏詳說曰案聘禮上介與賓同是以大夫餼賓云

上賓上介皆大牢米八筐衆介皆少牢米六筐但上賓有芻豢而上介無芻豢耳此五等之上介皆有禽獻也

夫人致禮八壺八豆八簋膳大牢致饗大牢食大牢

鄭康成曰夫人致禮助君養賓也簋豆陳於戶東壺陳於東序凡夫人之禮皆使下大夫致之

○賈氏曰內宰致后

賓客之禮注謂之諸侯朝覲及女賓之賓客內宰是下大夫王后尚使下大夫況諸侯夫人乎○鄭

鐸曰其數八八者陰之極數所用之物皆大牢厚賓

也○王氏詳說曰上公八壺八豆八籩而侯伯同者抑以夫人之上公有膳有饗有食而侯伯則無食禮矣○王昭禹曰侯伯與上公同不言食大牢則殺于上公也

黃氏曰夫人致禮其在王國后之禮也膳眡致饗與侯伯同則皆大牢下一等則特牛隨所用之鄭不言饗又曰饗有壺酒蓋疑辭

卿皆見以羔膳大牢

黃氏曰親見卿謂子男於主國之卿皆當親見之也

䟽家引聘禮卿大夫勞賓賓不見大夫奠鴈上介受

則公侯伯於主國之卿來見不親見之矣○鄭鏐曰

主國之卿見賓亦皆執羔所以禮之也卿執羔取其

羣而不黨之義自其常也嫌於他國君不可用見已

君之禮故言皆見以羔及其膳賓亦用大牢所以助

君養賓

○王昭禹曰或用大牢或用特牛亦禮之殺

○黃氏曰見讀如字

夫人致禮公侯伯壺籩豆八子男六卿膳公大牢膳

侯伯子男特牛司儀所謂二等從其爵而上下之粗

可見鄭說非○王氏詳說曰子男與侯伯同禮者卿以侯伯見以羔而子男不言見者蓋三卿之內有見者有不見者卿於小國之君有不造館者矣

總論

劉執中曰掌客之所掌牢禮其別有五皆天下之正禮而王及諸侯之所共守而同行之不敢過也不敢不及也王不巡守殷國會合諸侯而享之一也王巡守殷國國君膳王及公卿大夫士庶子各有所眡二

也諸公相為賓之禮三也侯伯相為賓之禮四也子男相為賓之禮五也聖人事為之制物為之防使貴賤有倫上下有敘賓主有禮揖遜有節小大必稱故享之者足以成禮而無餘為之者足以敬賓而不乏所以行禮樂起風化篤忠順厚人倫而禍亂之萌息爭鬪之心消僭倖之源室國之大經也

侯伯四積皆貤飧牽再問皆脩飧四牢食三十有二簠八豆三十有二鉶二十有八壺三十有二鼎簋十有二

腥二十有七皆陳饔餼七牢其死牢如飧之陳牽三牢
米百筥醯醢百甕皆陳米三十車禾四十車芻薪倍禾
皆陳乘禽日七十雙殷膳大牢三饗再食再燕凡介行
人宰史皆有飧饔餼以其爵等為之禮唯上介有禽獻
夫人致禮八壺八豆八籩膳大牢致饗大牢卿皆見以
羔膳特牛子男三積皆胝飧牽壹問以脩飧三牢食二
十有四簋六豆二十有四鉶十有八壺二十有四鼎簋
十有二牲十有八皆陳饔餼五牢其死牢如飧之陳牽

二牢米八十筥醯醢八十甕皆陳米二十車禾三十車
芻薪倍禾皆陳乘禽日五十雙壹饗壹食壹燕凡介行
人宰史皆有飧饗餼以其爵等為之禮唯上介有禽獻
夫人致禮六壺六豆六簋膳眡致饗親見卿皆膳特牛
張氏曰周禮曰上公豆四十侯伯之豆三十二記曰
諸公十有六諸侯十有二問曰豆之設何其差也答
曰堂上十六西夾東夾各十二是公豆四十但言十
六者是堂上數也堂上十二西夾東夾各十是侯伯

豆三十二但言十二者亦堂上數也

鄭鏐曰侯伯四積者凡此皆視上公而降殺耳其義則同於夫人之禮則言致饗蓋不親饗也使大夫致之而已於子男之君則言膳眡致饗者以膳致饗之禮也已膳則不饗之矣言親見卿皆膳特牛者大國之卿於子男之君來不皆見之也見之者乃以特牛膳之不見之者則無膳之禮也

凡諸侯之卿大夫士為國客則如其介之禮以待之

黃氏曰此正與司儀二等同鄭謂特來聘問待之禮如其為介時是也上言凡介行人宰史皆有飧饔餼以其爵等為之禮又曰惟上介有禽獻則上介一等其餘一等所謂二等從其爵而上下之可見也掌客獨此為邦國自待客禮蓋因介見之○易氏曰古者坐賓於西北位介於西南所以尊賓卑介也賓之尊以其敵主介之卑以其副賓此上經所謂凡介皆有牢皆有飧饔餼以其爵等為之牢禮之陳數宜也若

夫諸侯之卿大夫士以聘問而自為國客則非介也
具賓之體者也具賓之體則疑於賓矣乃如介之禮
以待之蓋尊者之道為正為大卑者之道為副為小
諸侯之卿大夫士臣也以為介者分之所當然以為
國客者亦分之所當然以其爵等為之牢禮之陳數
則知先王待賓客之禮固有常制矣○鄭鍔曰諸侯之卿大夫士有
從其君而來為國客之時亦有奉君而來時當其奉
君命則主國待之之禮亦如從君來而為介時之禮
不以其君來而加厚不
以其自來而浸薄也

凡禮賓客國新殺禮凶荒殺禮札喪殺禮禍哉殺禮在野在外殺禮

易氏曰禮者合於天時宜於地財當於人心者也不則殺焉可也國新謂新建國者凶荒謂無年者禍哉謂兵寇者在野在外謂非方嶽及國門之外者以王禮言之大荒大札天地有戕王皆為之不舉所以為內省自疚之道至矣於是數者而殺禮抑以其自處者而待賓客耶○李氏曰非直以歲之下則殺邦用

若新建國及札喪禍哉在野在外皆殺禮也禮許儉約安得重用無聊之民求備乎籩豆之事

凡賓客死致禮以喪用

鄭康成曰死則主人為之具而殯矣喪用者饋奠之

物○鄭鍔曰使其喪有所給

賓客有喪唯芻稍之受

鄭鍔曰賓客在主國自聞其親之喪凡主國饗食之禮皆不敢受以其喪故也若夫芻稍則以給人馬日

用之須不可以一己之喪而不受也故受芻稍焉
遭主國之喪不受饗食受牲禮

黃氏曰饗食主人待賓主人有喪自不應受此禮鄭
以牲為腥謂飧饗餼當熟者腥致之恐是

易氏曰賓客禮之常者死喪禮之變者凡賓客死則
致禮以喪用有君及父母之喪則惟芻稍之受遭主
國之喪則惟受牲禮而饗禮皆廢此禮之變者也亦
載之以常禮而已矣

總論

陳君舉曰邦國之君相為賓客先王設官有行人行
夫掌客掌訝之類問勞贈送物為之數拜揖辭受事
為之節觀春秋之時一言不酬一拜不中而兩國為
之暴骨先王慮患豈不預哉

掌訝中士八人府二人史四人胥四人徒四十人

鄭康成曰訝迎也賓客來主迎之○黃氏曰掌訝序
於掌客之後何也王十二歲巡守畢五服諸侯自一

歲至六歲徧朝則迎訝之事無終已也朝庭尊明四方無事諸侯受職何敢廢哉朝節之疏數聘使之貴賤介從之衆少皆當有等籍不以其籍掌訝不以入易氏曰上經有訝士以訝四方之獄訟為主故曰士此以掌四方之賓客為主故曰掌訝

掌邦國之等籍以待賓客

鄭康成曰等九儀之等數○王昭禹曰所以訝賓客者必以其籍之差數而為隆殺之節焉異於小行人

掌邦國賓客之禮籍

若將有國賓客至則戒官脩委積與士逆賓于疆為前驅而入

賈氏曰國賓客至者謂五等諸侯及其臣來朝聘至謂入畿內至廬宿市當共待之○鄭康成曰官謂牛

人羊人舍人委人之屬

○賈氏曰以委積有牛羊豕米禾芻薪之等故知戒官者

謂牛人以下也

○王昭禹曰牛人共積牛羊人共積羊倉人

共道路之穀積委人共委積之芻薪掌訝之籍使各

蚤正素備以給賓客之用

○李嘉會曰十里之廬有飲食三十里有委五十里

有積委積既戒皆可就取焉

鄭康成曰士訝士也既戒乃出迎賓

及宿則令聚橐

鄭康成曰令令野廬氏

及委則致積

鄭康成曰致積以王命致其數於賓

至于國賓入館次于舍門外待事于客

鄭康成曰次如今官府門外更衣處待事于賓通其所求索

及將幣為前驅

鄭康成曰道之以如朝

至于朝詔其位入復及退亦如之

項氏曰入廟告以著位然後入復于王退則復于王

若曰賓不顧矣

○鄭司農曰詔其位告客以其位處也入復客入則掌訝出復其故位也

客退復入迎為之前驅至于館也

凡賓客之治令訝訝治之

鄭康成曰賓客之治謂正其貢賦理國事也以告訝訝為如朝而治之○李嘉會曰訝訝士也

凡從者出則使人導之及歸送亦如之

鄭康成曰從者凡介以下也人其屬胥徒也使導賓

客之從者營獲之

○王昭禹曰賓客從行之人或出則掌訝使其屬導之也

亦如

之者送至於竟如其前驅聚橐待事之屬

○李嘉會曰若今日

以轉運為館伴一路所給皆得以自辦

凡賓客諸侯有卿訝卿有大夫訝大夫有士訝士皆有訝

鄭鏐曰當朝聘之日訝于賓館則各降一等其人諸侯也則遣卿以訝之諸侯之卿也則遣大夫以訝之大夫也則遣士以訝之士雖甚微亦不可無訝不言所遣之官者蓋微者之來王朝亦遣微者無定禮也訝每降一等如此若夫諸侯則敵故聘禮云卿訝卿大夫訝大夫士訝士謂諸侯國之禮也

○李嘉會曰上公九命未

聞以九命之公為訝者此當權時宜可也

凡訝者賓客至而往詔相其事而掌其治令

易氏曰上經因訝賓客而及卿大夫即館之訝此復言掌訝之職凡言脩委積以下皆所治之令○陳蘊之曰賓客方至則掌訝往而詔相其事詔以言告之相以力贊之治謂理其事令謂有所使賓客有所治令則掌訝掌之

○黃氏曰若今胡客有接伴又使監司治護之

掌交中士八人府二人史四人徒三十有二人

鄭康成曰主交通結諸侯之好○鄭鍔曰邦國地遠勢隔故設官以掌交通之事導達其間隔之情使無疑沮則天子諸侯情相得矣

掌以節與幣巡邦國之諸侯及其萬民之所聚者道王之德意志慮使咸知王之好呼報反惡烏路反辟音避行之

鄭康成曰節以為行信幣以見諸侯○王昭禹曰邦國之諸侯衆矣非若左右之近邦國之萬民衆矣非

若畿甸之近

○易氏曰諸侯則據所以守邦國者而言萬民所聚則據都家縣邑之類而言

鄭鏐曰天下九州千七百國中士八人安能徧至達之以節可也遺諸侯與君萬民必無是理殆所巡之國見其國君則用幣以交之

愚案節以為信幣以為禮王者未嘗輕用以節幣巡諸侯及萬民所聚者此正是王者固結人心最切處大凡上情之不下達非生於疑則生於玩上既示人以信待人以禮言焉人孰不應王者得於中而好生者德也動於心而至誠者意也志則心

有所之而見於施為慮則心有所思而見於圖回者有掌交以道之如是而為王之所好如是而為王之所惡使天下皆知所好者當從而行之所惡者當避而勿為一人之心庶乎明白洞達與天下以為公合天下以為一不然徒言豈足以感人動物耶

王昭禹曰道王之德意志慮與擇人誦王志異矣道則道其實誦則誦其言道其實以交邦國萬民者義

也故屬之秋官誦其言以正邦國萬民者政也故屬之夏官

使和諸侯之好達萬民之說

鄭鍔曰諸侯交好恐不常也王欲諸侯之交久而不變以幣禮之乃所以和之使益至於無乖也萬民之說固不一也掌交巡而和之則傳達以告王使王知夫民心之說何事也○項氏曰和諸侯之好使無猜疑怨忌之隙達萬民之說使無抑鬱憤怨之情

掌邦國之通事而結其交好

鄭康成曰通事謂朝覲聘問也○王昭禹曰三等之

邦國星分棊布於九州之內其勢疑若睽間而相絕

先王制為朝覲聘問之禮行於其間則有往來不窮

之通矣

○鄭鍔曰朝覲聘問相通之事事之常也然或恐有時而不通又從而為之結其交好使

其相與之情固

結而不可解

以誦九稅之利九禮之親九牧之維九禁之難

乃旦九反

戎之威

鄭康成曰諭告曉也九稅所稅民九職也

○鄭鍔曰諭以九稅

之利使用九職任民而取其財也利國之治莫利于此○林椅曰侯國計食之餘其賦必有入于王國者

故有九稅之利然山林川澤之利非侯國之所得有故掌交諭之必有以也九禮九儀之

禮○賈氏曰九儀之禮以大小行人皆掌九儀據諸侯國也言九禮之親則朝覲是也○鄭鍔曰諭以

九禮之親使遵九儀之禮以相聘問九牧九州之牧而致其親也鄰國相親莫親于此

○鄭鍔曰諭以九牧之維使依九州之牧以相親比而為國之維也為國之維莫如于方伯連率故言維

九禁九法之禁○鄭鍔曰諭以九禁之難使知司馬九法以禁邦國者不可犯誠可畏難

也九戎九伐之戎○鄭鍔曰諭以九戎之威使知司馬九伐之法以威邦國者誠為威

嚴也○黃氏曰三代九州之內各有蠻夷白翟陸渾之戎淮夷徐戎固不能識知中國之禮法也夷狄慕義拒而不通非奄有四海為天下君之義掌交專協比中國于其自至而交際猶以禮儀故序其官于掌誅之下來斯受之矣

王昭禹曰先王之於諸侯分土而與之守分人民而與之治患其擅一國之名寵以專節制之大權則威福之柄其可不謹九稅之利九禮之親九牧之維是福之之道也九禁之難九戎之威是威之之道也方其裂地以封之固已使之得征其民以為利今又諭

之以九稅之利使知藝極焉方其列爵以等之固已
使之各守其爵以為分今又諭九禮之親使知分守
焉太宰於施典之際固已建其牧而小大相維今又
諭以九牧之維使知聽命焉大司馬以九伐之法固
已正之奉法而畏威今又諭以九禁之難使知辟禁
諭以九戎之威使知免兵焉彼又安有曠絕弛慢悠
久以違王命哉○易氏曰五者皆王政之大若非掌
交之所能諭掌交時有以申救之豈徒咸其輔滕口

說也哉

總論

林椅曰邦國之交於朝覲會同有相見之禮於歲時有聘問之禮蓋雖分其分守必相與相親然後能為國也故掌交通事利相通也禮相親也牧以維之禁以禁之威以威之而邦國之事備矣後世乃謂封建非聖人意也勢也何不思之甚邪夫自百畝達于五百里皆有封域為之分守則人有固志封君世其守

而賢能任其事則治不偏舉也又邦國之事不屬之司馬則屬之司寇如九法九伐職方氏之類見於夏官掌客司儀行人之類見於秋官是也司馬之職固曰以施邦國之政職而司寇之詰邦國無非糾而合之也若上無政刑雖不封建其能安且治乎

掌察四方中士八人史四人徒十有六人

闕

鄭鍔曰掌察諸侯之不率者

掌貨賄下士十有六人史四人徒三十有二人

闕

鄭鍔曰掌所以供交通諸國之幣帛

朝大夫每國上士二人下士四人府一人史二人庶子
八人徒二十人

鄭康成曰此王之士也使主都家之國治而命之朝
大夫云

賈氏曰云每國上士二人是王朝之士以其主采地
之國治事重則名之曰朝大夫云畿內三等采地
雖有百里五十里二十五里總謂之國若王制云九

十三國也庶子者蓋亦主采地之諸子今在府史之下蓋官長所自辟除也○黃氏曰庶子未有位故敘於府史之下與王國庶子不同

愚案都家甚廣其事亦繁朝大夫序官若此之少何以給之要知如此亦如今之進奏院但報行文書而事非其所處決

薛平仲曰五典建官必以都家為終其說已詳於前矣然於刑官之序不惟曰都家之士而已且首之以

朝大夫次之以都則而後都家之士設焉何哉蓋大
宰建八則以治都鄙而刑賞以馭其威凜乎其不少
恕都家即王之內諸侯也如使威福得以自行於都
鄙之中則是兩政耦國內無以稟王朝之命外何以
為邦國之則哉故於都家之國各設朝大夫以總之
官以朝大夫而命名則官出於王朝也以王朝之官
分之都家之國其權又得辟庶子以為用則綱領一
申於上權柄不敢以自有威福其敢以自專乎次之

以都則其守都家之則也終之以都士家士則都家之刑辟審矣

掌都家之國治

鄭康成曰都家王子弟公卿及大夫之采地主其治國者平理其來文書於朝者○黃氏曰國治王國之治都家當奉行者冢宰曰以八則治都鄙○王氏曰都家有治於國則朝大夫掌之

日朝以聽國事故以告其君長

賈氏曰日朝者朝大夫日日在朝以聽受國事故○
王昭禹曰所作謂之事所遭謂之故○鄭康成曰國
事故天子之事當施於都家者也告於君長使知而
行之也君謂其國君長謂卿大夫

賈氏曰總而言之皆曰國君別而言之惟三公及王
子弟得稱國君卿大夫總稱長

國有政令則令其朝大夫

王昭禹曰凡有所正者皆政也凡有所使者皆令也

○鄭康成曰使以告其都家之吏○劉執中曰王國六官治教之當行於都家者朝大夫日朝於王以聽國之事故告都家之君長是以國有政令令朝大夫凡都家之治於國者必因其朝大夫然後聽之唯大事弗因

鄭鏐曰都家之治有當治於王國者必因大夫以上

達

鄭康成曰謂以小事文書來者朝大夫先平理之乃以告有司也

若夫事之大者

則不可因朝大夫以達之也其君長當自至而稟王

命可也○劉執中曰謂有亟事欲遙達於王者則弗
因朝大夫焉

凡都家之治有不及者則誅其朝大夫

鄭康成曰不及謂有稽殿之誅○鄭鍔曰凡都家之
治有失其先後之期違王命而不至則朝大夫告戒
之不蚤故耳誅而責之可也

在軍旅則誅其有司

鄭鍔曰在軍旅而其軍事不及期則誅其在軍之都

司馬家司馬耳○賈氏曰見軍旅不干朝大夫之事
都則中士一人下士二人府一人史二人庶子四人徒
八十人闕

鄭康成曰都則主都家之八則也當言每都如朝大
夫及都司馬云

都士中士二人下士四人府二人史四人胥四人徒四
十人闕家士亦如之闕

鄭康成曰都家之士主治都家吏民之獄訟以告方

士者也亦當言每都○賈氏曰都家王皆不置都士
已有方士主其獄故使都家之士以獄告也

總論司寇官屬

易氏曰秋官刑官也司寇掌刑而士師則掌禁自鄉
士以至司隸言其用刑者也自布憲至銜枚氏言其
用禁者也序言用刑而掌戮必在其後序言用禁而
禁殺戮必居其先是為政尤惡於用殺也此特刑禁
之戮而已若夫大行人掌客之類則疑於春官之掌

禮者也朝士掌交之類則疑於夏官之掌政者也聖人不列於春夏二官必列於司寇刑官之屬者蓋刑非所以為刑也止其刑於禮文之始制其刑於政治之後設官之意如此其聖人析民惟刑之義歟

右刑官之屬凡六十有六以氏為稱蓋居三之一焉夫固世守其官者也然攷其為職類多細事之掌而居官者亦下士之卑先王何必為使之世守哉蓋事有人情之所易忽者莫甚於事物之微惟刑之為用

尤當致謹於其微使非其世守之人深諳於事物之故而新進迭用或作聰明以振之非惟有以激人情之變物之類其傷甚矣故於其甚微而若可忽者必使世官以職之用刑之仁至矣

卿大夫士之數四百三十有五人

卿一人

中大夫四人

下大夫八人

上士二十人

朝大夫不計

中士百八十有三人

下士二百十有九人

朝大夫

夫不計

右刑官為卿大夫及上士者至寡而中士下士則四百人先王之於刑亦重矣而畀之於人何其輕哉人情所在勢位之卑者其權有所制於上則不敢作意以自為職分之既尊則得於專達者有非其長之所易制況刑之為用哉吾觀鄉遂縣鄙之士其曰司寇斷獄弊訟于朝而後及于羣士司刑之官則上下相臨之嚴蓋若爾如使其勢均力敵具曰予聖則是非

曲直之淆亂獄訟將何從而可定哉合命士之衆總而裁之於司寇先王設官之意果深且遠哉

府史胥徒賈庶子之數三千三百七十有

八人

府七百有五人

朝大夫不計

史百有八十人

朝大夫不計

胥二百二十有七人

徒二千二百五十八人

朝大夫不計

賈四人

庶子四人

朝大夫不計

右刑官之府史胥徒惟府特少徒特多蓋府掌書契以治藏者也先王議事以制不為刑辟懼民之有爭心也亦何事於書契之藏哉徒之為職掌官令以召令者也單辭之難聽而上服下服之刑亦惟參諸斯民之刺宥而後施之則召令殆有不容略者矣

官非命士凡五

罪隸

蠻隸

閩隸


夷隸

貉隸

周禮訂義卷六十九

謹案第四十六頁前三行制其刑於政治之後刊

本刊訛行今改



覆校官庶吉士臣茅元銘
校對官庶吉士臣許兆椿

謄錄監生臣李華文

欽定四庫全書薈要

經部

周禮訂義卷七十



詳校官編修臣程嘉謨


欽定四庫全書薈要卷一千九百六十六

經部

周禮訂義卷七十

宋 王與之 撰

冬官考工記上

趙氏曰先王建官始於天官掌邦治至冬官而經理之事終矣名官以冬此其旨也工百工也考察也以

其精巧工於制器故謂之工以其所制之器從而察其善不善故謂之考小宰六曰冬官其屬六十掌邦事則冬官之事不止於制器記者止謂之考工何也

鄭注云此篇司空之官也司空篇亡漢興購求千金

弗得此前世識其事者記錄以備大數爾然秦火之

後司空居四民時地利之事亡矣先儒據所聞者記

之而已

○賈氏曰周衰諸侯惡典籍之害已皆滅去

工以爲考工記雖不知其人其作在何日要知在秦

前故遭秦焚書有韋氏裘氏等缺也此記雖不同周

禮體例亦爲叙致首尾相承總有七段○鄭鏐曰司

空之職用是以考百工之事其篇亡其記存漢儒劉

歆校理秘書得之

今觀所記如營國爲溝洫等事尚

有居四民時地利之遺意但不若制器之爲詳豈非

當時諸儒於先王制器之法聞之頗悉故記之特備
歟至於有一二可疑者意其古制不可悉聞則間自
爲說以補其亡爾苟於理未大戾當尊經可也

愚按漢儒謂冬官亡補以考工記司空果亡乎以
周官司空之掌攷之司空未可以爲亡也夫周官
言司空掌邦土居四民時地利凡經亡田萊溝洫
都邑涂巷者非邦土而何農工商賈市井里室廬
者非居民而何桑麻穀粟之所出山澤林麓之所

生非地利而何及攷小宰言六官設屬各有六十
今治官之屬六十有三教官之屬七十有九禮官
之屬七十有一政官之屬六十有六意者秦火之
餘簡編脫落司空之屬錯雜五官之中先儒莫之
能辨遂以考工記補之其實司空一官未嘗亡也
夫攷工記可以補周官者非三十工之制有合周
之遺法也獨考工之序其議論有源委非深於道
者莫能之夫論百工之事不止於工上立說上而

本於王公士大夫則知工雖末伎非王公發明乎
是理士大夫推而行之其藝固不能以自成下而
及於商旅農婦則知工雖有巧非商旅之懋遷貨
賄農夫之飭力地財婦工之化治絲麻其材於何
而取給也創此者有知述此者有巧業則傳於世
守功則歸於聖人工何嘗獨立於天地間能使器
利用便乎惟此等議論近古足以發明聖經之秘
此所以取而為補亡之書也如捨此而索於制度

之末則論周人上輿奚及乎上梓上匠之制論周人明堂奚取乎世室重屋之制言溝洫澮川非遂人之制也言旂旗旟旐非司馬司常巾車之制也其他纖悉有不可盡信者甚多槩以爲周家之制度豈其然乎

國有六職百工與居一焉

劉氏曰坐而論道一職也作而行之二職也審曲面勢三也通四方之珍異四也飭力以長地財五也治

絲麻六也此文首尾自明不須以六官說之○鄭鍔
曰王公士大夫固可謂國之職百工商旅農夫婦功
分各不同貴賤殊等乃大宰所授九職中之四者而
已詎可取並列而爲六耶記攷工者將言百工之事
爲甚重故以六職之大而司空之職有百工之事亦
得參與其中則百工不可以爲賤藝而忽之故取攷
工之事以足六職之名非以農工商旅與王公並肩
無復等降也○賈氏曰小宰冬官屬六十此百工即

其屬言百舉大數耳

或坐而論道或作而行之或審曲面執

音勢

以飭

音勅

五材

以辨

皮莧反

民器或通四方之珍異以資之或飭力以長

丁丈反

地財或治絲麻以成之

鄭康成曰言人德能事業之不同○賈氏曰論道即

周官云大師大傅大保茲惟三公論道經邦燮理陰

陽三公所論之道即所經邦燮理者也經者經綸之

謂燮理者和調之謂明則邦國幽則陰陽幽明之所

以然乃所謂道也經綸之用藏於無迹和調之妙間不容聲亦何待於論乎論云者擬議以成其變化講明啟沃而精一之者也非經綸天下之大經參天地之化育者不足以與此故官不必備惟其人○鄭康成曰作起也○葉氏曰天下之事不難於行而難於論論之者在上行之者在下未有論之不當而行之不悖於理也人君欲建久長之策必先謹股肱之臣

鄭鍔曰審曲者審其曲也面執者面其執也材有曲

直直者不待審而可知審其曲然後見其理之所在

勢有向背背者不可向以爲用面其勢然後順其體

之所向

○賈氏曰若弓人夾弓庾弓往體多來體寡之類皆審察五材曲直方面形勢之宜也若

斬轂之道矩其陰陽皆記其陰陽之面背也○陳蘊

之曰面字非物之面乃人向道之面也○譚人云以正

王面召誥云面稽天若皆向之謂也審其曲面其勢皆人爲之耳又說見下文

趙氏曰飭脩

治也○鄭鍔曰審其曲面其執以飭治乎五材左氏

言天生五材民並用之說者謂金木水火土也鄭康

成於此則曰金玉皮

○賈氏曰知有玉皮者以函人玉人等知之

木土蓋

據考工之篇所用之材以爲說耳賈公彥從而爲之說曰水火單用不得爲器物故不以水火備五材之目以下文八材攷之則金木雖可爲器若非水火何自而成輪人斬轂以火養其陰水之以眡其輪之平沈之均弓人爲弓橋幹欲熟於火鬻膠則欲水火相得推此類而言之工安可無水火乎二子之說非矣

○陳用之曰五者加皮玉采色是謂八材大宰言百工飭化八材而此言五材蓋若珠玉丹青之美在民

有不得而用者以辨民器鄭康成曰辨猶具也
○鄭

爲主宜舉其並用者言之鄭
具其器用使之無或不足也王安
石以民器各有宜不可以不辨
資取也○項氏曰

所貴所異彼此不通無以相資商旅所以遷之傳曰

夏則資皮冬則資絺旱則資舟水則資車以待乏易○

氏曰古者珪璧金璋錦文珠玉不鬻於市又司市凡
蓄珍異害者亡靡者微禁惟恐不嚴此乃通以資之
蓋攷工之珍異非必金玉錦繡之物也但地之所無
而人以爲貴者則謂之珍地所罕見而人以爲不常
者則謂之異此正切
於民用者故通之也○賈氏曰飭勤也地財穀物皆

是○王氏曰治絲爲帛治麻爲布○易氏曰長者長

於始也成者成於終也

坐而論道謂之王公作而行之謂之士大夫

趙氏曰此言其職業之人名而復結上文

愚按王公乃王與三公也與王一體故廣廈細旃之上相與坐而論道或以帝王無職事不當與臣同列於六職曷不思天職覆地職載聖職教化要知天地聖人所謂職者無職之職而三公亦非可以常職拘或以言王之三公欲別於上公之公亦

恐未然○賈氏曰士大夫則設官分職治職教職之等○王昭禹曰王公尊而事道故坐而論之逸而無爲也士大夫卑而事事故作而行之勞而有爲也致治之序本在上末在下王公務本以經治故坐而論道以謀其始士大夫務本以賛治故作而行之以成其終坐則無爲而未始有作論則言之而未始有行然則作而行之者推王公所論之道以見於事業而已

○鄭鏐曰時有汚隆則道有升降當其時所宜行者不可

以不論為王公者坐廟朝之上所論若此為士大夫者奔走於下聽其所論從而行之

陳用之曰言公則孤可知言大夫則卿可知先王而後公尊卑之序先士而後大夫小大之序於上則先尊而後卑於下則先小而後大言之法也○鄭敬仲曰考工必及於王公大夫之職何也蓋百工之事固不可耕且為故也後世有為彭更之言謂無事則不可食豈知通功易事以羨補不足者乎有為許子之言者謂賢者與民並耕而食豈知一人之身百工之

所爲備豈必自爲而後用之乎

審曲面勢以飭五材以辨民器謂之百工

鄭鏐曰自審曲面勢而下凡有四職大抵論百工之爲急○鄭康成曰五材各有工言百衆言之也○王昭禹曰五材者民器資之以有成也一材不可闕一器不可廢則百工之事烏可後哉然欲辨民器必先乎飭五材欲飭五材必先乎審曲面勢惟窺理所在然後能審曲惟正體所向然後能面勢五材天之所

生必致力以脩飭之然後可以爲民器若飭木而爲舟車弓廬之屬飭金而爲量鼎劒削之屬飭土而爲甌甑簋簠之屬飭水火而運用之以成乎衆材之屬飭材以爲器而民器各有宜焉不可以不辨其爲輪也辨其高下之地其爲弓也辨其安危之人其爲庇也辨其地之堅柔其爲劒也辨其士之上下故曰以辨民器

通四方之珍異以資之謂之商旅

鄭康成曰商旅販賣之客

○賈氏曰行曰商坐曰賈旅賈也

飭力以長地財謂之農夫

鄭鍔曰出於地而利於人者地財也必得人有事於地而財始長能勉致其力不憚勤苦以有事焉則地無遺利矣斯可謂之農夫

○陳用之曰非特受田之夫而已山澤之農皆與焉

蓋三農生九穀園圃毓草木虞衡作山澤之財皆所謂長地財也

治絲麻以成之謂之婦功

鄭鍔曰絲枲人所賴以禦寒暑非嬪婦化而治之無

以成布帛故制絲以成繒纈組文之物治麻以成布
總絺綌之物斯可謂婦功

總論

王昭禹曰六職之序王公制法以示百工者也士大
夫行法以治百工者也商旅通物以資百工者也農
夫長財以養百工也嬪婦化治以成百工也故王公
大夫之序在百工之上商旅農婦功之序在百工之
下○鄭敬仲曰記之所載自王公士大夫以至於農

夫婦功皆有職於國者也而百工者事職之所主故
列於事官而爲之屬也然上無道揆則下無法守朝
不信道則工不信度三公坐而論道則上有道揆而
朝信道此道德之所以明也士大夫作而行之則下
有法守而工信度此風俗之所以同也先王之時所
以同風俗者尤謹於百工以其衣服器械之所由出
也然則其可不屬之以官乎○又曰勞心者治人勞
力者治於人然無君子何以治野人故六職先以王

公士大夫焉治於人者食人治人者食於人然無野人何以養君子哉故六職成之以工商農婦焉本在上末在下在上者無爲而執要在下者有爲而治詳無爲者精於道有爲者精於物也

粵無鑄

音博

燕無函

而南反

秦無廬

魯吳反

胡無弓車粵之無

鑄也非無鑄也夫人而能爲鑄也燕之無函也非無函也夫人而能爲函也秦之無廬也非無廬也夫人而能爲廬也胡之無弓車也非無弓車也夫人而能爲弓車

也

趙氏曰粵燕秦胡地名也鑄函廬弓車器名也鑄治田之器詩云庠乃錢鑄其鑄斯趙是已注謂粵地塗泥多草蕨而山出金錫鑄冶之業田器尤多以職方氏考之揚州即粵地也其利金錫竹箭則粵多金錫信矣函甲冑之屬謂之函者取能包函人之意孟子云函人惟恐傷人是已注謂燕近強胡習作甲冑則燕地之人能爲函也

○鄭鍔曰燕之地東有漁陽右北平遼東遼西西有上谷代郡

鴈門迫近疆胡以人人廬戈戟之秘即廬人爲廬器
習作鎧甲而工於爲函

也如今鎗刀之柄以木之堅強者爲之注謂秦多細

木善作矜秘是也○鄭鍔曰秦之地有鄠杜竹林南
山檀栢天水隴西山多林木故其

民長於攻弓車射乘以攻戰之器注謂匈奴無屋宅
木以爲秘

田獵畜牧逐水草而居皆知爲弓車是也○鄭鍔曰
胡者謂之

匈奴唐虞三代之時所謂山戎獫狁獯粥也居于北
邊隨草畜牧兒能騎羊則彎弓射鳥鼠少長則射狐

兔其俗專以無云者謂四國之人皆能爲是器極其
射獵爲生

巧妙無所優劣故無縛函廬弓車之長也人之爲藝

必有所短而後見所長有所拙而後見所巧今舉國皆能之所以云無注謂人皆能作是器不須國工王解謂官府無是工皆未是新義云段氏爲鑄器函人爲甲廬人爲廬器弓人爲弓車人爲車考工所以有是五工者謂人不皆能故設工以爲之至於粵燕秦胡夫人皆能之故曰無非無其工乃無其名也考工又慮人不知其故所以下申解之曰非無也以夫人能爲之也

知者創物巧者述之守之世謂之工

趙氏曰此段是推原制器本末先後之序無所不通之謂智惟智者明物燭理所以世間原無此器智者以心思之妙理致之精自我創出來巧謂工之巧者見智者之創體立而不備法具而未詳以其心術之巧又依舊制上繼述而增脩之創是開端造始之意述是繼述不作之意如弧矢之利取諸睽耒耨之利取諸益棟宇取諸大壯棺槨取諸大過前人只創得

大概後來如考工爲弓矢耒耜宮室等制度添了許多節目又如智者觀轉蓬則以爲輪觀雲氣則以爲旗而巧者述之則爲軹爲較爲轡爲輿不止於輪爲熊虎龜蛇九旂七旒之類不止於旗皆是巧者因仍增益之功至於自祖及孫世世守而勿失如函人之子常爲甲弓人之子常爲弓之流傳愈久則技藝愈精然後謂之工焉

百工之事皆聖人之作也

趙氏曰考工又慮後世以百工爲器數之末初無妙理可觀遂至於忘其本所以繼之曰百工之事非百工之自爲皆聖人之作也

愚按上旣言智此又言聖則創之者自是智者之事作之者自是聖人之事創則不離乎物而作則有得乎形而上者之道疏以智爲聖人非也

王昭禹曰易言備物致用立成器以爲天下利莫大乎聖人蓋百工之事雖形於度數之粗而天下之至

蹟寓焉非聖人孰能作之故斷木爲杵掘地爲臼臼
杵之利則取諸小過弦木爲弧剡木爲矢弧矢之利
則取諸睽或爲耒耜以取諸益或爲網罟以取諸離
爲棟宇則取諸大壯爲棺槨則取諸大過一方一圓
而具天地之象一奇一耦而具陰陽之數或曲或直
而有剛柔之理或厚或薄而有盈虧之義豈淺淺者
所能及哉傳曰作者之謂聖殆以此也

爍金以爲刃凝土以爲器作車以行陸作舟以行水此

皆聖人之所作也

趙氏曰考工既言百工之事皆聖人之作又慮無實跡可據又恐或者見聖人創物制器將謂窮人力竭智巧一切用其使然之功於此又指其實而言之見聖人皆順物理自然處爍謂鎔鑄金乃堅剛之物非以火銷爍之如何能爲刃如劒削戈戟皆是爍金爲之也凝注謂堅也堅凝是結聚之意土是散亂之物非以水凝結之如何爲得器如陶人爲甌旂人爲簋

者皆是凝土爲之也作車作舟亦然但考工獨於車與舟言作者蓋土與金則就其質而成器故可爍可凝至於車舟則斷削衆木而後成其工其器非一而足又制度規模與金土不同非聖人立為成式以貽後世誰能作之也然曰爍曰凝曰作皆其物質可以爍之凝之作之使物質不可以爲用聖人亦不強爲之也然則聖人之作亦曰順萬物自然之性而已此所以申言皆聖人之所作也

○易氏曰太極動而爲陰陽布而爲五行是五

行者天地生成自然之理刃之以金為體者以火為用故於金言爍器之以土為體者以水為用故於土言凝水行乘舟以濟不通陸行乘車以任重致遠則木之為用無往而不利記考工者舉此四者以推五行造化之理以明聖人器用之利使天下因物以窮理又不特此四者而已

天有時地有氣材有美工有巧合此四者然後可以為良

賈氏曰此一段言工雖巧不得天時地氣材之美者則不良○王昭禹曰陰陽寒暑在天運之以為時者也剛柔燥濕在地化之以為氣者也萬物盈天地間

得時以生得氣以成及其成材天地之美具焉故曰
工有巧此四者相有以相成合而用之闕一不可故
曰合此四者然後可以爲良良甚善也若良知良能
出於天合之自然也是故斬轂之道必矩其陰陽其
斬陽木必以仲冬其斬陰木必以仲夏弓人爲弓於
冬則析幹於春則液角於夏則治筋於秋則合三材
此因天時也貢金錫責之揚貢牼幹責之荊孤桐責
於徐漆臬責於豫以至鄭之刀宋之斤魯之削吳粵

之劔此因地氣也相幹欲其赤黑而鄉心陽聲而遠
根相筋則小簡而長大結而澤漆則欲測絲則欲沈
以至燕之角荆之幹玆胡之筭吳粵之金錫凡此皆
材之美也輪人為輪則可規可矩可水可縣可權可
量與人為輿則負者中規方者中矩立者中縣衡者
中水直者如生繼者如附三材既具巧者和之以為
輪六材既具巧者和之以為弓凡此皆工之巧也
材美工巧然而不良則不時不得地氣也

鄭鏐曰世不明寒暑燥濕之理徒謂吾有美材矣有
工巧矣不患乎器不良也而器之成卒不甚善者上
不得天時下不得地氣而已是故斬木者必順其陰
陽陽木必斬於仲冬陰木必斬於仲夏為弓者必順
乎春夏筋必治於夏角必液於春他非無時也以為
非此時則不順乎天而不足以為良也為刀必於鄭
為斤必於宋為削必於魯為劒必於吳粵他非無地
也以為非此地則不得其氣而不足以為良也如使

其不順天時不得地氣雖材美工巧欲為良詎可得哉○趙氏曰不時注謂不得天時也劉執中云不言不得天時地氣而曰則不時不得地氣者蓋東西南北之異宜在地之氣不均也而器遷乎其地而不能良者則於地之氣有得有不得之辨若天時春夏秋冬之行孰有不同之方歟其失之者非時不然也人也此說甚好

橘踰淮而北為枳

音

鸛

音

鵲

音

不踰濟貉

音

踰汶

音

則

問

則

死此地氣然也

趙氏曰橘是江南之物過淮以北則變為枳殼鸛鵒飛鳥春秋昭二十五年有鸛鵒來巢傳曰書所無也

蓋鸛鵒本濟西穴處之物今乃踰濟而東為巢於魯之中國故云書所無也貉注謂善緣木之援也汶水在魯北即汶陽之田與則吾必在汶上矣是也貉踰

汶則死亦地氣不宜爾

○鄭鐸曰萬物賦形於天地抱氣於陰陽宜無所往而不

遂其生育之理然植者非其地則變其本質故橘踰淮而北遂化為枳飛者非其地則有所不居故鸛鵒

處濟之西不肯踰之而東走者非其地則不能以一日生故貉踰汶水則必死彼其生植飛走類疑若無知不必擇地而安也然而若此者由地氣非所宜故爾○陳用之曰橘非可以移之淮北氣有所感亦與俱化何妨乎有之鸛鵒不宜有而有者未必死也貉踰汶則死矣斯三者言之淺深之序

鄭之刀宋之斤魯之削吳粵之劒遷乎其地而弗能為良地氣然也

賈氏曰據經所言以鄭之刀鐵移向宋而作斤宋之斤鐵移向鄭而作刀皆不得為良○鄭鐸曰鄭刀宋斤魯削吳粵之劒其為器甚良矣然遷去其地而作

焉終不敵五國制作之善豈天下之工皆不如五國之功而天下之金皆不如五國之剛哉地氣非所宜則雖有良工精金亦莫克使之良也故曰地氣然者言橘貉鸚鵡賦性以生者猶非其地則不能生況刀斤削劒之器出於人為者乎引彼喻此以見地氣之不可不順也

燕之角荆之幹

扶云反

胡之筭

古老反

吳粵之金錫此材

之美者也

鄭鏐曰燕幽燕也燕角之美別無所見荆楚也禹貢

荊州貢杙幹栝柏

○鄭康成曰可為弓弩之幹

則材之出於荊者

美可知矣舛胡在楚之旁春秋所言頓子胡子是也

○杜氏曰舛胡地名

筈箭橐也與橐人所掌之橐一也

○鄭康成曰筈

也矢幹

吳粵揚州之域禹貢揚州貢三品之金則金錫

之出於吳粵者美可知也牛未嘗無角而出於燕者

美木可以為弓幹而出於荊者美竹可以為箭而出

於舛胡者美金錫可以為兵器而出於吳粵者美孟

子曰充實之謂美美者材質之良充實乎其中而發見於其外也此四材之美者由土地所宜特異乎他邦之所產也

天有時以生有時以殺草木有時以生有時以死石有時以泐音勒水有時以凝有時以澤音亦此天時也

鄭鏐曰天之運也一為春夏而萬物生一為秋冬而萬物死此生殺之時也草木之生也蘖萌於子細牙於丑畢入於戌該關於亥此生死之時也石之解散

謂之泐

鄭司農曰泐讀如再劫而後掛之劫

至堅者莫如石疑若不能

泐矣然盛暑之氣鑠石流金則堅者或至於解散澤當為釋至柔者莫如水疑若不能凝矣然隆冬沍寒則堅凝而為冰既堅矣疑若不能釋也及暖氣和融則復消釋而為水凡此皆天時使之然也惟天之時寒暑之不常物之寓形乎天地間者亦不常如此則夫工之制器可不因其寒暑陰陽哉

陳用之曰物之屬乎天時者皆是此特舉數者為言

言水則火可知言石則金可知天生五材民並用之
火無常形托物為體金之為物化而不已故論時之
變化而不及斯二者

趙氏曰天時地氣材美各有定限而巧出於人之心
斡旋運用其妙不可指名故此一段不言工巧

凡攻木之工七攻金之工六攻皮之工五設色之工五
刮反古八音摩磨之工五搏音埴時之工二職反

賈氏曰此一段言工之多少總數○毛氏曰凡此諸

工以職多者上寡者次之尤寡者為下○鄭康成曰
攻猶治也○鄭鍔曰設色者敷布其采色也刮摩刮
去而摩鑢也司農以刮摩為玉工然玉人磬人謂之
玉工可也雕人以雕刻為事柳人為柳矢人為矢豈
亦玉工也哉是刮摩之工不止於玉而已○鄭康成
曰搏之言拍也埴黏土也○鄭鍔曰與禹貢徐州厥
土赤埴埴之埴同陶旒之
工搏拍黏土以為器埴謂之搏埴○
賈氏曰以手拍黏土以為埴乃燒之

王昭禹曰天生五材民並用之水火金木土是也加

之以皮玉設色則為八材焉九職所謂百工飭化八材是也以土治水以水治火然後水火為用以火冶金以金治木然後金木為器皮玉設色之事亦不離於五者然後八者之工備此百工之務也攻木之工木工也攻金之工金工也搏埴之工土工也金木言其體搏埴言其用攻皮之工以函為主設色之工以畫為主刮摩之工以玉為主皮色言其體刮摩言其用若夫水火之材則飭化以運用此六者而已故於

水火不言工○陳用之曰此言設色之工五而其實
四也言攻木之工七而其實則八蓋輪輿弓廬匠車
梓七者之外有輅人焉其工八明矣蓋先王置之其
目三十先儒叙之於攻木之工遺輅人以畫繪之工
爲二遂以足三十之數歟

攻木之工輪輿弓廬匠車梓

趙氏曰以下是別其工之職事○鄭司農曰此七者
攻木之工官別名也○王昭禹曰輪人為輪輿人為

車弓人爲弓廬人爲廬器匠人爲宮室之屬車人爲
耒之屬梓人爲筍簾之屬此攻木之工七○陳君舉
曰斬人不與其數者一器而工聚焉者車爲多

攻金之工築冶鳧

音扶栗音栗段桃

王昭禹曰築氏爲削冶氏爲殺矢鳧氏爲鐘栗氏爲
量段氏爲鑄桃氏爲劔此攻金之工六

攻皮之工函鮑鞞

沉萬反
又音運

韋裘

鄭司農曰鮑讀爲鮑魚之鮑書或爲鞞蒼頡篇有鞞

堯韞讀爲歷運之運○王昭禹曰函人爲甲鮑人之
事韞人爲臯陶韋氏裘氏闕此攻皮之工五

設色之工畫績鍾筐幌

音芒

鄭司農曰幌讀如芒芒禹迹之芒○王昭禹曰畫績
之事官異而職同鍾氏染羽幌氏涑絲筐氏闕此設
色之工五

刮摩之工玉櫛

音櫛雕矢磬

鄭司農曰櫛讀如巾櫛之櫛○王昭禹曰玉人之事

磬氏爲磬矢人爲矢槲人雕人闕此攻玉之工五○
趙氏曰矢人爲矢鏃磬氏爲石磬如摩其端之類亦
是刮摩而成以此知刮摩之工不必專指玉然注云
玉工者以刮摩之工施於王者爲多故特以一事之
所主言之

搏埴之工陶旒

鄭康成曰旒讀如放於此乎之放

○鄭司農曰旒讀如甫始之甫○

王昭禹曰陶氏爲甌旒氏爲簋此搏埴之工二

易氏曰三十工有以人名者有以氏名者有以事名者惟畫繪職獨言所職之事其他如輪人輿人之類則以人名之謂工以巧爲能不必責之世守也如築氏冶氏之類則以氏名之謂官有世功族有世業必世習之爲貴也言人則上經所謂工有巧是也言氏則上經所謂守之世謂之工是也然攻木無稱氏者攻金搏埴無稱人者蓋制木必以巧而金土貴乎世習寧非記者深得先王制作之意乎

有虞氏上陶夏后氏上匠殷人上梓周人上輿

鄭鏐曰此欲言作車之工故言周人以車為上欲言周人上車之由故言虞夏商周四代之主所尚各異陶陶土以為器也虞氏去古未遠世質民淳故貴乎瓦器之質也記曰有虞氏之瓦棺又曰泰有虞氏之尊也則虞之上陶可知矣匠匠人為宮室為溝洫者也夏后荒度土功卒有天下故貴乎平土之匠也語曰禹卑宮室而盡力乎溝洫則夏之上匠可知矣梓

梓人也攻木以為筍簋為飲器者也商人所以梓者變虞夏之土器而用木漸革其質而趨於禮樂之文也輿車也周人所以輿者禮至是而大備用乘車以嚴貴賤之分也○易氏曰上之為言尚也昔聖人逆推世變之所趨而為之默制其變所謂一代之制初非偏尚之為徇有虞氏之泰尊固尚陶矣夏后氏之山罍亦未始不尚陶夏后氏之世室固尚匠矣殷人屋用重檐亦未始不尚匠殷之崇牙固尚梓矣

而夏氏之龍箄簏周人之璧翬亦未始不尚梓周之
乘路固尚輿矣而有虞氏之鸞車夏后氏之鉤車殷
之大路亦未始不尚輿由是言之設一官制一器固
不足以盡四代之所尚捨是亦不足以推世變之所
寓要知考工之說特舉一代所專尚者言之耳○趙
氏曰天下之文物盛而制度備者莫若輿有篆縵彩
績之飾有金玉象革之美然不曰車而曰輿者蓋車
之制始於輿又所為任載者在輿故也然虞夏稱氏

殷周稱人者純於帝者天道純於王者人道虞夏稱氏以其嗣於先則純乎帝也商周稱人以其興於後則純乎王也

故一器而工聚焉者車為多

鄭鍔曰周之所尚者輿也故作車之工為多○易氏曰故者繼上文而言也攻木之工七弓廬梓匠各居其一而輪人輿人車人乃居其三又於三者之中輿人居其一輪人析而二車人析而三其外又有輶人

爲輶是車之三工又別而爲七此一器而工多惟車
爲最

陳君舉曰車制用在輪故察車自輪始輪之外輹爲
圍圍之中直指湊轂者爲輻輻之所蓄而利轉者謂
之轂轂裏之大穿謂之賢轂外之小穿謂之軹轂中
空處謂之藪轂上橫通通載者謂之軸軸末以防輪
而固謂之牽軸上橫伏而納輶者謂之輹輹上所載
三面材謂之任正任正之上謂之軫輿前掩軌版謂

之陰輿深謂之隊植於輿兩傍謂之轎蔽風塵謂之
第橫於兩轎而爲人所憑者謂之式中系驂馬內轡
處謂之轎式下之植從者謂之轡兩轎之上出於式
者謂之較較之下從者謂之軹以革輓式以皮覆式
謂之鞵以簞衣式謂之車軌納轡之環謂之鞵著車
之衆環謂之指有曲鞵而出從前稍曲而上謂之輶
輶前持衡者謂之頸頸下衡者謂之衝衝下兩馬謂
之服服外兩馬謂之驂兩服之四轡兩驂之四轡謂

之八轡兩駮之內轡系於式其在手者外轡與服馬
之四轡謂之六轡前系於衡後系於軫以防駮馬之
入者謂之脅驅駮馬之系車四條謂之軻內兩條納
於陰者謂之陰鞵外系於軸者謂之外鞵拘二鞵以
絆其背者謂之鞵背爲環以管外內轡謂之游環削
革三就當胷謂之繫纓縷金以當盧謂之錫著鈴於
兩鑣謂之鸞置軫於式謂之和兩駮內轡謂之勒車
上之覆則有盖盖之斗謂之部盖上撩謂之弓盖之

小柄謂之達常大扛長八尺謂之程此車之通制也
車有六等之數

鄭鍔曰易兼三材而兩之故六車之為蓋以象天爲
軫以象地人立其中則三才之道備矣六等之數殆
亦兼三材而兩之之意

毛氏曰在內而尊者莫若乘車在外而重者莫若兵
車乘車王者所乘所以表其尊故必以三材為象兵
車將率所乘欲兵器之有序而已故總計之而六等

也若田車則不與焉者田車六尺有三寸加軫與轡則不及四尺之等與諸物參差而不齊故不備以等也大抵言軫及蓋而不言人不失為三才之象言軫及人而不及蓋不失為六畫之象

車軫四尺謂之一等

鄭康成曰此謂兵車○楊謹仲曰學者多疑軫之名以鄭氏之說未明也前言車軫四尺謂之一等注以爲輿後橫木後言加軫與轡焉四尺也注以爲軫輿

故學者惑焉軫正是輿之名蓋四畔各以木加於輿
上以閑其所載詩所謂伐收也其四方則象地故曰
軫方象地惟四畔皆木也故論軾之高則以後橫木
爲度六分其廣以一爲軾圍車廣六尺六寸則是輿
後橫木圍一尺一寸徑三寸三分寸之二輪六尺六
寸故軾高三尺三寸并後軾與轆七寸共高四尺自
後而登人長八尺登下以四尺爲得中故指後橫木
爲高之度軾之義不止後橫木也謂加軾與轆者轆

名伏兔在車軸上伏兔尾後上載車軹故曰輿轢轢
本不高也惟學者止認橫木爲軹方之義則疑其爲
方不知方木安得名軹之圖而其方又安能象地不
可不辨○趙氏曰兵車之輪六尺有六寸軹崇三尺
有三寸軹謂轂末貫於輪之中者又加軹與轢之七
寸軹謂輿後橫木轢謂伏兔置於輪輻軸上如兩短
柱以承軹者軹崇三尺三寸又加軹轢七寸則軹去
地四尺矣故曰車軹四尺謂之一等

戈秘

音秘

六尺有六寸既建而迤

以氏反

崇於軫四尺謂之

二等

趙氏曰自軫而下皆以四尺為差戈及戟矛是車上

所插兵器古者車戰兵器插在車上以刃向外使人

不敢犯人立於兵器之後欲以此自衛也戈謂刃秘

謂柄

○毛氏曰秘以木為之合衆物之柄則曰廬單舉一物之柄則曰秘

建謂插在車

上迤謂放邪倚也

○毛氏曰邪置車轡之上下以鐵為之範圍惟戈言迤餘不迤戈

秘雖長六尺六寸然邪倚則有折除之數其實只高

四尺崇謂高也故曰崇於軫四尺謂之二等○易氏曰旣建而迤止戈為武之義出先刃則邪向前入後刃不以刃向國以有國者之所宜遠也

人長八尺崇於戈四尺謂之三等戈長尋有四尺崇於人四尺謂之四等車戟常崇於戈四尺謂之五等

趙氏曰及下有鑄鑄而上無刃是擊打人之器戟戈類也戈兵之最健者其別於戈而言車戟者以其長則不必皆倍尋惟達於車者必然○鄭鍔曰人長八

尺立於車上則又崇於戈者四尺是謂三等八尺謂之尋倍尋謂之常父長尋有四尺則丈二也其崇於人者四尺是謂四等戟則倍尋其長丈六其崇於父者四尺是謂五等

易氏曰父戟酋矛皆置之車傍備而不用之義酋矛常有四尺崇於戟四尺謂之六等

趙氏曰酋矛勾兵也其刃曲可以鉤物常有四尺則長二丈矣又崇於戟四尺故謂之六等○毛氏曰酋

矛爲發語之聲蓋以酋矛短故合口促聲而言之夷
矛長故開口引聲而言之然此言聲而已若以義求
酋則酋斂酋斂則促故有短之義夷則平緩平緩則
伸故有長之義然則夷矛者其步卒之所用歟故廬
人云無過三其身者指人而言其身明不係於車也
王氏曰五兵之用遠則弓矢射之近則矛者勾之然
後及者擊之戈戟刺之司馬法曰弓矢圍及矛守戈
戟助凡用此者皆長以衛短短以掾長今此戈及矛

戟皆置之車傍不言弓矢則乘車之人佩之○易氏
曰觀兵車之制先王不急於用兵可推矣

車謂之六等之數

趙氏曰始言車有六等之數終言車謂之六等之數
上文未曾列此等數則云有既列此等軫數則云謂
之以申結上文立言之法如此

凡察車之道必自載於地者始也是故察車自輪始

鄭康成曰先視輪也自從也○王昭禹曰載物者莫

先於車運車者莫先於輪○趙氏曰道謂道理又謂法也大凡察車自有道理自有要法必自載於地者始言須以輪爲先也觀必自之辭可見一定不可改易之意考工又言曰是故察車自輪始夫載於地者便是指輪言也又分明說破車自輪始以見輪爲車之樞要所以言之重複表其諄諄緊切之意○鄭鏐

曰車之

所以運轉不窮致遠不泥者以有輪也輪運乎車下而載於地上苟輪不能運雖有蓋軫徒爲虛器耳則輪者車之本車所資以運行也漢志曰古之聖人觀轉蓬始知爲輪輪行可載因物智生復爲之與輿輪

相乘流轉固極則車之行以輪為先可知矣審車而不先審其輪是不知察之之道也故又曰察車自輪始

凡察車之道欲其樸

普剥反又音僕

屬

章欲反

而微至不樸屬無

以為完久也不微至無以為戚速也

易氏曰車之材衆矣然載於地而衆力之所資者輪而已故察車自輪始其次則輪之用以完久為固輪之行以戚速為利是三者皆察之之道故曰察車之道言道則超乎形數之表有非目力之所能給矣○

鄭鑄曰察車之道必觀乎輪而觀輪之法又自有術

輪以三材合而爲之故欲其樸屬樸屬者言其附著

之堅固也輪以圜轉急疾爲工故欲其微至微至者

言其至地者少也附著不堅則敝壞甚易欲其全且

久不可得也至地者多則留滯不行欲其急蹙而速

不可得也戚音促

○趙氏曰戚與速皆形容輪轉快疾之狀耳

輪已崇則人不能登也輪已庫音婢則於馬終古登阨文爾

反也

毛氏曰輪樸屬而微至固盡善矣而高下又不可以
無節○鄭康成曰已大也甚也崇高也齊人之言終
古猶言常也阨版也輪庫則難引○易氏曰古人制
器內窮天下之理外盡天下之法故大不踰尋丈小
不踰方寸所謂輪崇六尺有六寸天下之中制也輪
過於崇則其軫亦過於四尺矣故軾為太高而人力
有所不能登輪或已庫則其軾亦不及四尺矣故軾
為太下而馬之力有所不能引人不能登則其力怠

馬不能引則常若登阪而倍用其力此非車之善者

也

○王昭禹曰輪庫則馬高馬高則引輪也常若登阪然雖倍用力馬疲而車不進矣

故兵車之輪六尺有六寸田車之輪六尺有三寸乘

繩證

反車之輪六尺有六寸

毛氏曰人之登下以車爲節車之崇庫以馬爲節○

鄭康成曰兵車乘車駕國馬田車駕田馬○鄭鏐曰

馬有高下故車輪亦有高下馬之高者其輪高馬之下者其輪卑或駕種馬或駕齊馬或駕道馬其與戎

馬皆國馬之高八尺者故輪六尺六寸田馬馬之高

七尺者也故輪六尺三寸

○李嘉會曰乘車五革車則兵車田車則木車木車

輪低逐獸利也

賈公彥云先言兵車者重戎事也田獵與戰

伐相類故即言田車而後別言乘車之等也余以爲
兵車所以即戎田車所以講武而乘車者王於無事
之時則乘者也戎車之不戒武備之不脩雖有乘車
惡得而自樂耶

六尺有六寸之輪軹

音只

崇三尺有三寸也加軫與轡焉

四尺也人長八尺登下以為節

鄭康成曰此車之高也○易氏曰輪中為轂轂中橫

截者謂之軸轂之末謂之軹

○詩疏宛有苦葉曰說文云軹小穿也軹車軸

端也考工記司農云軹軹也又云小穿也鄭玄曰轂末也然則轂末軸端共在一處而有軹軹二名也○

圖說曰軹有二轂末謂之軹較之植者橫者亦謂之軹與人云去一以為軹圖是也○薛氏曰軹亦謂之

軹又謂之軹少儀曰祭左右軹鄭氏謂軹軹同是軹頭也○愚案轂末之軹又見輪人為蓋庇軹之下兩

轂之軹又見匠人然車中有所謂軹者車旁從九龜美反有所謂軹者車旁從凡音范二字易於相亂今


先辨軹字於此軹字自輿後之橫木謂之軹軸上之見軹人軹前十尺之下

伏兔謂之轆

○毛氏曰兔陰物僕賤類以其在軸之上如兔之伏以其在軸之下如僕之承

伏兔尾後即所以御軸上載車軫者自軫而上即車輿也輪崇六尺有六寸則軾居其中得三尺有三寸加軫與轆之七寸則車輿去地四尺矣人長八尺與車輿去地之尺適得其半其長短升降適相稱焉故曰登下以爲節○鄭鍔曰田車輪六尺三寸則軾三尺一寸半○鄭康成曰乘車之軌廣取數於此軌廣八尺旁出輿亦七寸也

周禮訂義卷七十



覆校官庶吉士臣茅元銘
校對官庶吉士臣許兆椿
謄錄監生臣李華文